

復社姓氏傳略卷首

蘇州府震澤縣學生 臣 吳山嘉恭錄

乾隆四十一年

欽定勝朝殉節諸臣錄

御製詩 有序

昨以勝國殉節之臣各能忠于所事不可令其湮沒不彰特敕
大學士九卿等稽考史書核議予諡入祠以昭軫慰其建文諸
臣之死事者並命甄議茲大學士等議上錄其生平大節表著
者予以專諡餘則通諡為忠烈忠節次則通諡為列愍節愍統
計一千六百餘人若諸生章布未通仕籍及姓名無考如山樵

市隱之流則入祀所在忠義祠統計又二千餘 各為一冊進
覽之均為允協因名之曰勝朝殉節諸臣錄冠以所頒諭旨附
載廷臣議疏彙刊頒行俾天下後世讀史者有所考實夫以明
季死事諸臣多至如許迥非漢唐宋所可及錄而旌之亦累朝
所未舉行似亦足以褒顯忠貞風勵臣節固不必如張若澐所
請之徧行查訪徒滋紛擾致無了期且即再入數千人於表章
大義亦無所增減廷臣駁議惟韙亦并載之爰題詩簡端用示
大意

信史由來貴彥彰勝朝殉節與羶鄉五常萬古旣云樹潛德幽光
允賴揚等度早傳遠及宗

宗李若水從欽宗至金營不屈而死金人相與言曰遼國之亡死義者十數南

朝惟李詩
郎一人

後先直邁漢和唐諸臣泉壤應相慶捨死初心久乃償

復社爭略

馮元賜遷蘇松兵備參議太倉人陸文聲計其鄉官張溥張永倡復社亂天下巡按倪元珙以屬元賜元賜盛稱溥等元珙據以入告體仁庇文聲兩人並獲譴

明史馮元繼傳

庶吉士張溥知縣張永等倡為復社與東林相應和體仁因推官周之變及奸人陸文聲計奏將興大獄嚴旨察治以提學御史倪元珙海道副使馮元賜不承風指皆降謫之

明史溫體仁傳

傅朝佑疏論溫體仁六大罪言體仁子見屏於復社請生易人糾彈株連不已且七年又議裁減茂才國家三百年取士之經一旦壞於體仁之手此謂得罪於聖賢

明史傅朝佑傳

金毓峒言復社一案其人盡逢救不可以一夫私怨開禍端帝採

納明史金毓峒傳

流寇倡亂大鉞避居南京頗招納游俠為談兵說劍覲以邊才召
無錫顧景吳縣楊廷樞蕪湖沈士柱餘姚黃宗羲鄞縣萬泰等皆
復社中名士方聚請南京惡大鉞甚作畱都防亂揭逐之大鉞懼
乃閉門謝客明史馬士英傳

福王召汧為少詹事安遠侯柳祚昌疏攻汧謂朝服謁路王於京
口自恃東林巨魁與復社楊廷樞顧景諸奸狼狽相倚陛下定鼎
金陵彼為討金陵檄所云中原逐鹿南國指馬是何語乞置汧於
理除廷樞景各其餘徒黨容臣次第糾彈時國事方棘爭亦竟寢

汧移疾歸 明史徐傳

烏程執政八年以禁錮東林為事而宜興復相又思援手大鍼會
眉生保舉入京劾武陟并及大鍼大鍼始沮喪定生與次尾因草
雷都防亂揭額于方為首一時勝流咸列姓名大鍼杜門咋舌歎
死士英定策大鍼暴起遂廣揭中姓名以造蝗蝻錄思一網殺之
仲馭下獄死眉生次尾崑銅皆亡命余與子方從徐署丞疏逮問
而定生亦為校尉縛至鎮撫事雖解已濱十死矣若是乎宏光南
渡止結得雷都防亂揭一案也 黃宗羲陳定生墓誌

蠅蚋錄出於溫體仁蝗蝻錄出於阮大鍼又有續蠅蚋錄或曰續
蠅蚋錄及蝗蝻錄乃復社諸君子也計二千二百五十五人惟兩

歐真中無人 東林列傳

熊開元為吳江令肇舉復社邑中諸生吳翽等與吳郡楊廷樞顧
夢麟暨一張共成之 明文萃華

太倉張溥張永結應社松江陳子龍結幾社而吳江獨推重吳翽
南渡阮大鍼報風怨攻復社為黨人國亡乃解 南疆逸史

崇禎二年己巳吳江縣知縣熊魚山以文章經術為治知人下士
慕天如名迎致邑館邑中吳氏沈氏諸子弟皆從之授學天如於
是為尹山大會若雪之閭諸名彥畢至未幾臭味翕集遠自楚之
蘄黃豫之梁宋上江之宣城寧國浙東之山陰四明輪蹄日至比
年而後秦晉閩廣間多有以文郵致者是時江北匡社中州端社

松江幾社萊陽邑社浙東超社浙西壯社黃州質社與江南應社
各分壇拈天如乃合諸社爲一而爲之立規條定程課曰自世教
衰士子不通經術但剽身儻目冀倖弋獲於有司登明堂不能致
君長郡邑不知澤民人材日下吏治日偷皆由於此清才度德不
量力期與四方多士共興復古學將使異日者務爲有用因名曰
復社又申盟詞曰毋從匪彝毋讀非聖書毋違老成人毋矜己長
毋形彼短毋巧言亂政毋干進辱身嗣今以往犯者小用諫大則
擯弗與約旣布天如於是哀十五國之人文而詮次之曰其集曰
國表受先作敘弁首

復社紀略

三年庚午鄉試諸賢與者咸集夫如又爲金陵大會同上

五年壬申天如成進士與館選給假歸葬六年癸酉春又為虎邱大會是日山左江右晉楚閩浙以舟車至者千餘人大雄寶殿不能容生公臺千人石鱗次布席皆滿觀者無不許歎以為三百年來未嘗有也比別祖道百里不絕

同上

文社始天啓甲子合吳郡金沙攜李儻十有一人張溥天如張永受先揚廷樞繼斗楊彝子常顧夢麟麟士朱隗雲一王啓榮惠常周銓簡臣周鍾介生吳昌時來之錢柄彥林分主五經文字之選而效奔走以襄厥事者嘉興府學生孫淳孟樸也是曰應社當其始取友尚隘而來之彥林謀推大之訖於四海於是有廣應社貴池劉城伯宗吳應箕次尾汪懸萬應隆道吉無湖沈士柱崑銅宣

城沈壽民眉生咸來會聲氣之孚先自應社始也宗禎之初嘉魚
熊開元宰吳江進諸生而誦藝於時孟樸里居結吳翽拔九吳允
夏去盈沆應瑞聖符等肇舉復社於時雲間有幾社浙西有聞社
江北有南社江西南有則社又有應亭席社崑陽雲簪社而吳門別
有羽社匡社武林有讀書社山左有明大社僉會於是統合於復
社復社始於戊辰成於己巳其盟書曰學不殖將洛毋蹈匪彝毋
讀非聖書毋遺老成人毋矜厥長毋以辯言亂政毋干進喪乃身
嗣今以往犯者小用諫大者擯僉曰諾是役也孟樸渡淮泗歷齊
魯以達於京師賢大夫士必審擇而定衿契然後進之於社故天
如子言曰忘其身惟取友是急義不辭難而千里必應三年之內

若無孟樸則其道幾廢蓋先後大會者三復社之名動朝野孟樸
芳居多然而歛怨深矣十年正月蘇州民陸文聲疏陳風俗之弊
皆原於士子庶吉士張溥知臨川縣爭張采倡立復社以亂天下
思陵下提督學政御史倪元珙察覈倪公言諸生誦法孔子引其
徒談經誦學互相切劘文必先正品必賢良實非樹黨文聲以私
憾妄計宜罪閣臣以公蒙飾降光祿寺錄事蘇州推官周之夔者
與溥同年舉進士初亦入社至是希閣臣意墨經詣闕復計奏溥
等樹黨挾持案久未結讒言罔極至有草檄以聲復社十罪者大
略謂派則婁東吳下雲間學則天如維斗臥子上搖國柄下亂群
情行殊八俊三君迹近八閩五鬼外吾黨者雖房杜不足言事業

異吾盟者雖屈亦不足言文章或呼學究智囊或號行舟太保傳
檄則星馳電發宴會則酒池肉林所云行舟傳檄殆指孟撲言之
至十五年御史金毓峒給事中姜埰各上疏白其事始奉旨朝廷
不以語言文字罪人復社一案准注銷後福藩稱制阮大鍼怒戊
寅秋南國諸生顧杲等一百四十人之具防亂公揭也曰思報復
爰有實鼎東南利孔久淫復社渠魁聚歛一疏大鍼語馬士英
云孔門弟子三千而維斗等聚徒至萬不反何待至欲陳兵於江
以為防禦心知無是事而意在盡殺復社之主盟者時崑銅暨宣
興陳貞惠定生輩皆就逮繫獄桐城錢秉鐙宣城沈壽民亡命得
脫假令王師下江南少緩則復社諸君難乎免於白馬之禍矣

靜志居詩話

吳扶九居吳江之荻塘藉祖父之貲會文結客與孫孟樸最厚倡
爲復社既而思合天下英才之文甄綜之孟樸請行出白金二十
鎰家數二百斛以資孟樸閱歲羣彥胥來大會於吳邵舉凡應社
匡社幾社聞社南社則社席社盡合於復社論其文爲國表羅太
倉二張主之實引次尾扶九相助當其時烏程溫相君有子求入
社扶九堅持不可於是乎有徐懷丹之檄陸文聲之疏繼以周之
夔之彈事又繼以王實鼎之飛章而復社禍機既發扶九亦日在
憂患中家居論斷歷代史分爲存信存疑二部又聚明人集三千
七百家散輯典故成一家言皆未果遺書經盜劫散佚殆盡有子

南齡余女婿也僅存復社同人姓氏一冊出自扶九手書爰錄其
副按籍以求諸先生之詩蓋千百之什一爾

同上

明季黨禍社事初不相蒙至於亡國之罪尤與應社復社諸君不
相及不可不辨也社事之興不過諸生文字之會自朝宇視之無
異童子之陳俎豆習禮儀為嬉戲耳且明祖諸生之禁甚嚴非若
漢唐宋之太學生得群聚京師伏闕百十人橫議仔亡大計也漢
唐黨禍其人身為大官仕於朝次亦為郡國守相若二張雖仕不
遑維斗彥林終老孝廉東之婦翁吳扶九先生不惜破產以勸復
社與于常麟士孟樸皆頽然老諸生豈漢唐宋黨人之比哉

計改

亭集

復社姓氏傳略叙

予讀歐陽子明黨論而慨然於君子小人之際也夫君子與君子以同道為明道同則心一心一則一二人不為少千萬人不為多歐陽子云自古為明之多且大莫如周而周用此以興者善人雖多而不厭也有明之季皇綱不振國是紊如吾家涇陽先生與高景逸諸公講學東林書院一時雲集影從者甚眾自是而後天下士猶能以文章氣節相劘切吳江吳扶凡先生創舉復社太倉張天如復舉應社以合之於是江北之匡社中州之端社松之幾社萊之邑社浙東西之超社社莊社等皆并而為一考其實不過論文誦道初無異於國家之事也而始焉溫相美權繼焉馬阮朋比依